



Kattusseqatigiit Partiiat

September 2010

UKA 2010/69

Inatsisartut Suleriaasianni § 32 naapertorlugu aalajangiiffigisassatut siunnersuut imaattoq matumuuna saqqummiuppara:

Amerikarmiut Thule Air Base-imik atuinerannut atatillungu, nunatsinnut aningaasanik amerlanerusunik isertitsissutigineqarsinnaanera anguniarlugu misissuisitsinissamik naalakkersuisut danskit naalagaaffiannut saaffinginnissuteqaqqullugit inatsisartut aaliangiiffingisassaattut siunnersuut.

(Inatsisartunut ilaasortaq Loritha Henriksen, Kattusseqatigiit Partiiat)

Tunngavilersuut:

Naluneqanngitsutut Amerika-miut ukiorpassuarni nunatsinni sumiiffiit assigiinngitsorpassuit atorlugit assigiinngitsunik iliuuseqartarsimapput, nunatsinniit annerusumik minnerusumilluunniit akuerineqarsimaneriniq ilisimaneqarpiannngitsunik.

Sumiiffiit ilarpassuit pinngortitamik mingutsitsinermik nassaqatarsimapput maannamut annerusumik iluarsiivigineqarsimanngitsunik.

Maannalu Pituffimmi taassumallu eqqaani aamma eqqagarpassuit takussaasut takussaannngitsullu avatangiisinut qularnanngitsumik sunniuteqapiluttunik nassataqarput.

Taamaattumik Kattusseqatigiit Partiiiniit isumaqarpugut Nunatta atorneqarnera pillugu - atuisut nunatsinnut aningaasanik akiliuteqartinneqarnissaat minnerpaamik piimasaqaatigissallugu pissusissamisoortoq.

Nalunngilarput Amerika aamma danskit naalagaaffiat 1951-imi isumaqatigiissuteqarsimasut, kisianni maanna nunatsinni namminersorluni oqartussaaneq eqqunneqareerpoq, taamaammallu isumaqatigiissutit pisoqqat aamma nutarterneqarsinnaanerat isumarput naapertorlugu pisariaqartoq.

Taamaammat periarfissat nunatsinnut aamma aningaasatigut iluaqutaanerusussat anguniarlugit misissuisoqarnissaa siunnersuutingaarput.

Minnerunngitsumillu aamma ullumikkut inuuniarnermi atungarisat eqqarsaatingalungit akitsuutiniq qaffaasarnerit innuttaasunik eqquuaannartut Kattusseqatigiit Partiiiniit isumaqaratta ulluinnarni inuuniarnermut atungarisat atortarsingaluttuinnannginnissaat anguniartariaqarmat.

Neriuppugut Partiinit allanit siunnersuupput tigulluarneqarluni ilalerneqarumaartoq.